



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

Gratiarum actio post Missam,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

memoriam Passionis Christi, & eum in cor
 suum per Communionem admittendi.
 Tertio, offerat Patri æterno pro se, &
 tota Ecclesia, quicquid tum fecit, tum
 passus est pro nobis Christus, triginta
 trium annorum spatio, nec à sui oblatio-
 ne desistat. Quarto, sibi aliisque ab ipso
 concedi petat, quicquid illi gratus fue-
 rit, & quicquid ab æterno sibi conferre
 disposuit, majorem sui ipsius custodiam
 statuendo impofterum.

GRATIARVM ACTIO

post Missam.

O Dulcedo cordis mei & vita anima
 meæ, & jucunda requies spiritus
 mei, dulcis JESU, immortales tibi ago
 gratias, pro omnibus beneficiis mihi
 collatis: signanter verò, quia hodie me
 dignum fecisti, verum & immaculatum
 Corpus & Sanguinem tuum pretiosum
 consecrare, pertractare, illudque tibi
 offerre in memoriam tuorum mirabili-
 um, ad tuam gloriam, & in remissio-
 nem omnium peccatorum tam meorum
 quàm illorum, pro quibus orare, sacri-
 ficare, & offerre proposui, illoque in sa-
 lutem

lutem; & consolationem animæ meæ cibari & nutriti, quapropter verè dicere audeo, cibus meus Christus, & ego ejus. Multiplico ergo, & quotiescunque respiro, multiplicare intendo meam voluntatem in infinitum in tuis laudibus. Precorque Beatissimam Virginem, Angelos, Sanctos, Sanctas, & Creaturas universas pro me immensas tibi referre gratias: immò quia istæ minimè sufficiunt. Te supplico, ut tibi ipsi gratias agere, te laudare, & glorificare complaceas: & quia dignatus es istam indignam, tuam tamen facere habitationem, dignare quoque apud ipsam, perpetuam facere mansionem: effice me hominem secundum cor tuum. Uni me tibi intime, & totum transforma, & transmuta in te. Salva me, JESU CHRISTE, & cunctam à me hostis antiqui depelle nequitiam, per tuam innocentissimam passionem. Oro tandem ut digneris gratias, & indulgentias omnes, quas hoc sacrificio vel communionem mediante acquirere & lucrari possum, concedere, tam mihi, quam aliis, vivis, & defunctis, quibus applicare proposui: quia te ipsum, & pro ipsis exoro pro quibus & tu vis, &
san-

sanctissimus Pontifex intendit hac de causa me debere orare. Amen.

Praxis examinis conscientia.

VIII. Et ut pius Sacerdos ordinatè procedat in examine conscientiaè suæ, praxim sequentem in quinque puncta distributam, religiosè observabit.

Primum punctum erit. Gratias agere Deo. 1. De beneficiis omnibus generali nomine expressis. 2. De vocatione ad talem statum. 3. De hodiernis beneficiis, inspirationibus, & bonis operibus.

Secundum Punctum erit, petere lumen. Primò, Erubescendo, quod suaviter ineffabili Dei pietate præventus & adjutus, adeò malè diem transegerit. Secundò, Ut videat quomodo à fine illo, ad quem vocatus est defecerit. Tertiò, Ut videat quid ab eo Domino maximè requirat.

Tertium Punctum erit, Examinare primò, Quomodo proposita emendationis à præcedenti examine servaverit. Secundò, Quid singulis horis commiserit, omiserit, neglexerit. Tertiò, An puram intentionem in operibus vitiauerit ratione